
ҚЎҚОНДАГИ INDORAMA КОРХОНАСИДА СУВДА ТЕЗ ЭРУВЧАН ЎЎИТЛАР ИШЛАБ ЧИҚАРИШ ЙЎЛГА ҚЎЙИЛДИ

Кеча Қўқон шаҳридаги “Indorama Kokand Fertilizers and Chemicals” акциядорлик жамиятида янги ишлаб чиқариш цехини ишга тушириш маросими бўлиб ўтди.

Лойиҳа қиймати 500 минг АҚШ доллариға тенг бўлган, сувда тез эрувчан азот-фосфор-калийли (НПК) минерал ўғитлар ишлаб чиқаришға ихтисослашган янги линияни фойдаланишға топшириш тадбирида вилоят ҳокими Хайрулло Бозоров, “Indorama Corporation” компанияси директори Пракаш Кежривал, вилоят инвестициялар соҳаси масъуллари ҳамда жамоатчилик вакиллари иштирок этдилар.

Тадбирда сўз олган Хайрулло Бозоров, корхона фаолияти мамлакатимиз агросаноат соҳаси учун муҳим эканлигини, янги иш ўринлари яратилаётганлигини, қолаверса, тупроқшунослик йўналишида ҳам иш ташкил этилиб, агрокимёвий тадқиқотлар олиб бориш орқали тупроқни қайси бир минералларға эҳтиёж сезаётганини аниқлашда корхона мутахассислари кўмаги ўз ижобий самарасини бераётганини таъкидлади.

“Қўқон суперфосфат заводи” фаолиятини диверсификация қилиш мақсадида 2019 йилда унинг 96 фоиз акциялари Сингапурнинг “Indorama Corporation” компаниясига сотилиб, бу ерда кенг кўламли модернизация ишлари амалға оширилди. Бу ишлар натижасида ишлаб чиқариш қуввати йилиға 75 000 тоннадан 350 000 тоннаға етказилди. Шунингдек, Испания, АҚШ, Россия, Туркия, Ҳиндистон, Хитой давлатларининг етакчи компанияларидан замонавий ускуналар олиб келиб ўрнатилди. Айни кунларда қишлоқ хўжалиги соҳаси учун сифатли минерал ўғит ишлаб чиқарилмоқда.

Умумий қиймати 70 миллион доллар бўлган икки босқичли инвестиция дастурининг биринчи босқичи доирасида жорий йилнинг февраль ойида бу ерда суперфосфат ишлаб чиқариш тармоғи ишга туширилди. Инвестиция миқдори 43 миллион долларни ташкил қилди. Ўтган давр мобайнида 100 минг тонна 170 миллиард сўмлик маҳсулот ишлаб чиқарилди. 2,7 миллион долларлик маҳсулот хорижға экспорт қилинди. Ишга туширилган биринчи босқич лойиҳасида 500 киши иш билан таъминланди. Эътиборли жиҳати, ишлаб чиқариш қуввати беш баробарға оширилди.

Бизни ижтимоий тармоқларда кузатинг [Facebook](#),
2021-10-04 10:21:10